

# **iDusidusi ni iVola ni Soqoni ni Bula vaKarisito kei na Cakacaka Vakaitalatala**

## **JANUERI 16-22**

### **IYAU MAI NA VOSA NI KALOU 1 VEIGAUNA 1-3**

#### **“Na iVolatabu—E Dina na ka e tu Kina se Seg?”**

**w09 1/9 14 ¶1**

#### **Erau Bula Dina o Atama kei Ivi?**

Me kena ivakaraitaki, dikeva mada na iyatukawa vakaJiu e volai ena iVolatabu ena iMatai ni Veigauna wase 1 ina 9 kei na Kospeli i Luke ena wase 3. E volai vakamatailalai na yatukawa e rauta ni 48 na itabatamatata ena iMatai ni Veigauna, e 75 na itabatamatata ena Luke. O Luke e vola na kawa i Jisu Karisito, na Veigauna e vola na uvuale vakatui kei na iyatukawa vakabete ena matanitu o Isireli. E volai ruarua ena ivola qori na yaca era kilai levu me vakataki Solomoni, Tevita, Jekope, Aisake, Noa, kena itinitini o Atama. O ira kece na volai ena rua na ivola qo era bula dina, o Atama e bula duadua e liu e volai ruarua kina.

**w09 1/9 14-15**

#### **Erau Bula Dina o Atama kei Ivi?**

Kena ivakaraitaki, dikeva mada e dua na ivakavuvuli bibi vei ira e levu na dau lai lotu, oya na ivoli. Na ivakavuvuli qo e vakaraitaka ni solia nona bula uasivi o Jisu Karisito me ivoli meda vakabulai kina mai na noda ivalavalala ca. (Maciu 20:28; Joni 3:16) Eda kila ni ivoli oya na ka e soli me voli lesu kina na ka e yali. Oya na vuna e tukuna kina na iVolatabu me baleti Jisu ni “ivoli veirauti.” (1 Timoci 2:6) Eda na rairai taroga se na cava me saumi? E kaya na iVolatabu: “Era mate tiko na tamata kece ena vuku i Atama, ena bula vaka kina na tamata kece ena vuku i Karisito.” (1 Korinica 15:22) E cabora o

Jisu nona bula uasivi me volia na kawatamata talairawarawa e vakayalia o Atama ni valavalala ca mai Iteni. (Roma 5:12) E macala gona ke sega ni bula dina o Atama, ena sega sara ga ni yaga na isoro i Karisito.

#### **Vakekeli ena Vosa ni Kalou**

**it-1 911 ¶3-4**

#### **iYatukawa**

**Yaca ni Yalewa.** E volai ena so na gauna na yacadra na yalewa ena iyatukawa ni tiko na vuna vinaka. Ena Vakatekivu 11:29, 30, e cavuti o Sarai baleta ni yalataki ni na basika mai vua na Kawa yalataki, ena sega ni basika mai vua e dua tale na wati Eparama. E rairai cavuti tale ga o Milika ena tikinivolatabu qori baleta ni tubui Repeka, na wati Aisake, e vakaraitaka na kawa nei Repeka mai na yasana vei ratou na wekai Eparama, e sega gona ni vakawati o Aisake kei na dua mai na duatani na matanitu. (Vte 22:20-23; 24:2-4) E volai ena Vakatekivu 25:1 na yaca ni ikarua ni wati Eparama o Ketura. E vakaraitaka qori ni vakawati tale o Eparama ni mate o Sera, e se rawa ni vakaluveni tiko ga ni oti e 40 vakacaca na yabaki nona solia vua vakacakamana o Jiova na kaukaua qori. (Rom 4:19; Vte 24:67; 25:20) Kena ikuri, e vakaraitaka na veiwekani e tiko vei Isireli kei Mitiani kei na so na yavusa vakaArapea.

E volai tale ga o Raijeli, o rau na watina lalai o Jekope, kei na luvedratou tagane. (Vte 35:21-26) E yaga qo nida kila vinaka kina na ka e cakava na Kalou vei ira na luvei Jekope qori. Eso tale ga na vuna va qori e volai kina na yacadra eso na yalewa ena ivolaniyaca. Ni soli na ivotavota ena vukudra, ena rairai volai na yacadra. (Tvl 26:33) Eratou ivakaraitaki vinaka o Tema, Reapi, kei Ruci. Ena ituvaki yadua qo, e vakasakiti na nodratou

mai okati ena iyatukawa ni Mesaia o Jisu Karisito. (Vte 38; Ru 1:3-5; 4:13-15; Mac 1:1-5) Eso tale na ivakaraitaki ni nodra volai na ya-lewa ena iyatukawa e tiko ena 1 Veigauna 2: 35, 48, 49; 3:1-3, 5.

## FEPERUERI 6-12

### IYAU MAI NA VOSA NI KALOU 1 VEIGAUNA 10-12

#### Vakekeli ena Vosa ni Kalou

*it-1 1058 ¶5-6*

Lomada

**Veigaravi Mai vu ni “Lomamu Taucoko.”** Me cakacaka vinaka na utoda, ena vinakati me taucoko, ia na lomada e rawa ni wase rua. E masuta o Tevita: “**Ni vakaduavatataka na lomaqu** me rerevaka na yacamuni,” e dusia qori ni rawa ni wase rua na lomada ena ka e taleitaka se rerevaka. (Sm 86:11) E rawa ni “lomalomarua” e dua, oya me kata-kata ga vakalailai nona qarava na Kalou. (Sm 119:113; Vta 3:16) E rawa tale ga ni ‘rua tu na lomana,’ oya me qarava e rua na turaga, se me tukuna e dua na ka qai vakasamataka tale e dua na ka. (1Ve 12:33; Sm 12:2, vmr) E cata sara ga o Jisu na veivakaisini va qo. —Mac 15:7, 8.

O koya e via vakamarautaka na Kalou me kua ni lomalomarua se rua tu na lomana, ia me qaravi koya ena lomana **taucoko**. (1Ve 28:9) E vinakati kina na sasaga ni veivakaisini na lomada, e dau malele ina ca. (Jr 17: 9, 10; Vte 8:21) E rawa ni taucoko na lomada nida masu mai vu ni lomada (Sm 119:145; Ljr 3:41), vulica wasoma na Vosa ni Kalou (Ese 7:10; Vvb 15:28), vakaitavi vakalevu ena vunautaki ni itukutuku vinaka (vakatauvatana Jr 20:9), meda veimaliwai tale ga kei ira era lomani Jiova ena lomadra taucoko.—Vakatauvatana 2Tu 10:15, 16.



























